



IZIMISO ZOKUQUBA IMISEBENZI

Siyazimisela ukufika kuzinga lezimiso zokuquba umsebenzi ezilandelayo:

- Ukutholisa umphakathi wethu amanzi ngazo zonke izikhathi.
- Bonke abantu abazavakatshela emawofisini ethu bazakuncediswa ngesikhathi esingaba yimizuzu elitshumi befikile.
- Izisebenzi zethu zizaziveza ngokucacileyo njalo ziphathe abantu bonke ngesineke lenhlonipho.
- Sizaphathisa bonke abalezikhalazo ngobunono, ubuqotho kanye langokuthembeka.
- Izikhalazo zonke kumbe insolo zonke zizakhangelwa njalo izinqumo lazo zizakwenziwa ngesikhathi esingaphansi kwamalanga alitshumi (10) okusebenza kusukela ngelanga zifakiwe.
- Incwadi zonke zizaphendulwa ngesikhathi samalanga angadluli amalanga alitshumi lane (14) kusukela zifikile.
- Ngemva kokuthola amafomu achasisa izinto ezidingakalayo, lawo mafomu azakhangelisiswa asetshenzwe ngesikhathi esingaphansi kwamalanga okusebenza angadluli amatshumi amabili lanye (21) ngemva kokugcwaliswa kwamaphepha adingakalayo.
- Ukufinyelela ukulungisisa konke okuyabe konakele ngemitshina yamanzi ngesikhathi esingaphansi kwamahola angadluli amatshumi ayisikhombisa nambili (72).
- Ukuqinisekisa ukuthi amamitha amanzi ayabalwa, ayabhadaliswa njalo wonke umuntu uyathola iphepha lakhe lokumtshengisa ukuthi kumele abhadalale malini ngesikhathi esingaphansi kwamalanga amahlanu ngemva kokubalwa kwemitha.
- Ukuqinisekisa ukuthi abavalelwe amanzi bayavulelwa amanzi abo ngesikhathi esingaphansi kwamalanga amathathu ngemva kokubhadala.

Imilando yeZINWA kanye lamalungelo ayo

IZimbabwe National Water Authority:

- Ilomlandu kuzulu welizwe laseZimbabwe.
- Izatholisa uzulu amanzi akuzinga eliphezulu eligcwalisisa izimiso ezikhangelelwe yinhlangamiso ye World Health Organisation.
- Kayivumeli ubugwelegwele, ukubandlulula lokuqakathekisa abanye abantu kulabanye.
- Iyemukela imbono yabantu eqakathekileyo ngoba iyayisebenzisa ukuqathanisa ukusebenza kwayo lezimiso zokusebenza kwayo.
- Izaquba umsebenzi ngobucwebi, ngobunono langesineke.
- Uzulu ulungelo yokukhuluma lomkhulu wezisebenzi kumbe okhokhela imisebenzi kulolo hlangothi abayabe bexoxisana lalo.
- Sizimisele ukunikeza uzulu imbiko efaneleyo okugoqela ukubona ukuthi imbiko efaneleyo iyatholwa nguzulu ngendlela ezifana lokukhuluma, ukuyincindezela emaphepheni, imitshina yamakhompyutha, amaphetshana embiko, amaphepha omkhankaso lokunye okungalungela ukusetshenjiswa.

Okukhangelelwe kuzulu kanye lamalungelo akhe

Njengabathengi abaqakathekileyo, iZinwa ikhangelele:

- Ukuthi libe lamaphepha afaneleyo awokusebenzisa amanzi.
- Ukuthi libhadale indleko zamanzi ngesikhathi.
- Ukuthi lingaze lasebenzisa indlela zobugwelegwele loba obawuphi umhlobo ngesikhathi lisebenzelana lezisebenzi zeZinwa. Kuliqakathekele ukuthi libike zonke izehlakalo zobugwelegwele ezingabe zisenziwa yizisebenzi zeZinwa loba omunye nje umuntu.
- Ukuthi liphathe izisebenzi zeZinwa ngenhlonipho lesineke.
- Ukuthi liqinisekise ukuthi izikhalazo lensolo zenu zonke ziphelekezelwa ngamaphepha afaneleyo kanye lobufakazi obusegcekeni.
- Ukuthi lazise iZinwa ngotshintsho olungabe lwenzakele ezincwadini zenu zamanzi ngokuphangisa.
- Ukuthi livikele amaphayiphi, amamitha kanye lemitshina encedisa ekuhanjiseni kwamanzi kuzulu.
- Ukuthi lilandele zonke izimiso zomthetho kanye lokwenqabela ukusebenzisa amanzi ngendlela ezephula umthetho.
- Ukuthi lisebenzise amanzi ngendlela eqondileyo.
- Ukulondoloza amaphayiphi athwala amanzi aphambili kwemitha yeZINWA.